

e via i xe scampai de gran fuga, lontàn per un troso incassà fra crode e zochi inmus'ciai de piante scomparse dai ani.

Cussí fasendo i sperava, i malandreti, de far perder la pazienza al pastór, che lori ben i conosceva per un santo, e farlo cascàr in pecà faséndoghe saltàr fora de boca qualche resía; ma i mostri i ga fato un buso in te l'acqua. — Andà a vodo sto mezo, avilii, scornai, i demoni i ga abandonà le bèstie sui gràveri e i xe tornai a la càrica con altre tràpole d'inferno.

Le povere cavre, restade cussì sole, le se ga rampegà sù sù per la montagna, fin che le ga trovà una tana. In questa lore le xe entrae e le ga pensà de stabilir la dimora, cosa che le ga sùbito fato.

Mi no savaria dirve adesso quanti e quanti ani le gàbia passà là, sortindo solo a magnàr erba e radise, ma zerto un bel mùcio. So soltanto che de domèsteghe che le gera le xe diventae selvàdeghe, le xe diventae cussì de aver pòura fin de la so ombra, e de la so vose no xe restà che una spèzie de fis'cio. De più in causa de la tana tropo bassa, i so corni i ga scuminzà a ri-voltarse per in zo, a stòrzerse, fin che i ga ciapà la forma de un rampìn. Le cavre le se gera cambià in camosci....

pr.

Scherzo.

Il vin l'è cressût
e al è rizerciât:
il miò l'è calât
parcè che ài bevût.
Podês impará
a fálu calá.

P. ZORUTTI.